

## К ОПУБЛИКОВАНИЮ

### КОМИ РЕСПУБЛИКАСА ЮРАЛЫСЬЛӨН ИНДӨД

#### “Содтöд дасьлун режим пыртöм йылысь”

Коми Республикаса Юралысьлөн 2020 во рака тöлысь 15 лунся 16 №-а

Индöдö вежсьöмъяс пыртöм йылысь

Шуа:

1. Пыртны “Содтöд дасьлун режим пыртöм йылысь” Коми Республикаса Юралысьлөн 2020 во рака тöлысь 15 лунся 16 №-а Индöдö вежсьöмъяс содтöд серти.
2. Тайö Индöдыс вынсялö сйöс официальнöя йöзöдан лунсянь.

Коми Республикаса Юралысьлысь  
могъяс недыр кадколастö збыльмöдысь

В. Уйба

Сыктывкар  
2020 вося сора тöлысь 11 лун  
74 №

Коми Республикаса Юралысьлөн  
2020 во сора төлысь 11 лунся 74 №-а Индод дорö  
СОДТÖД

“Содтöд дасьлун режим пыртöм йылысь” Коми Республикаса Юралысьлөн  
2020 во рака төлысь 15 лунся 16 №-а Индöдö пыртöм  
**ВЕЖСЬÖМЪЯС**

“Содтöд дасьлун режим пыртöм йылысь” Коми Республикаса Юралысьлөн 2020 во рака төлысь 15 лунся 16 №-а Индöдын:

1) 11, 16.1, 19.1, 19.2 пунктъясын «сора төлысь 14 лунöдз» кывъяс вежны «моз төлысь 10 лунöдз» кывъясöн;

2) 14.3 пунктын, 22 пунктын «меставывса асвескöдлан» кывъяс водзö содтыны «Коми Республикаын муниципальной юкөнъяслөн» кывъяс;

3) 19.1 пунктса 3 пунктулын «тайö Индöд дорö 1 №-а содтöдлөн 3 позицияын» кывъяс бöрын содтыны «, тайö Индöдлөн 19.9 пунктын индöмъяс кындзи» кывъяс;

4) 19.6 пунктын:

медводдза абзацö содтыны «, а сідзжö тайö Индöдлөн 19.8 пунктөн урчитöм дзескöдöмъясö кутчысьöмөн» кывъяс;

мöд абзацын «меставывса асвескöдлан» кывъяс водзö содтыны «Коми Республикаын муниципальной юкөнъяслөн» кывъяс;

5) содтыны татшöм сюрöса 19.8 – 19.10 пунктъяс:

“19.8. 2020 вося сора төлысь 12 лунсянь ресторанъяслы, кафеяслы, столöвöйяслы, буфетъяслы, баръяслы, закусочнойяслы, гожся верандаяслы (гожся кафеяслы) да йöзöс öтув вердан мукöд предприятиялы оз позь могмöдны волысьяссö 23.00 часянь 8.00 часöдз.

19.9. 2020 вося сора төлысь 11 лунсянь Коми Республикаын муниципальной юкөнъяслөн мутасьясын, “Воркута” да “Усинск” кар кытшьясса муниципальной юкөнъяслөн мутасьяс кындзи, вермасны уджавны:

спорт объектъяс Россия Федерацияса, Коми Республикаса спортивной сборной командаясö пырысьяслы тренировкаяс котыртöм могысь;

фитнес-шöриньяс (спорт клубьяс) (бассейнөн вöдитчытöг) сэк, кор пöртöны олöмö оланпастэчасөн урчитöм корöмъясö, сы лыдын нуöдöны эпидемиялы паныд мероприятиеяслысь комплекс тайö Индöд дорö 3 №-а содтöдын индöм лыддьöг серти.

19.10. 2020 вося сора төлысь 13 лунсянь Коми Республикаын муниципальной юкөнъяслөн мутасьясын, “Воркута” да “Усинск” кар кытшьясса муниципальной юкөнъяслөн мутасьяс кындзи, выльысь заводитöны

сетны уджтөмалысь гражданаос да удж корсысь гражданаос ичот группасын уджсикасо велөдөм да уджсикасын содтөд төдөмлун сетом серти канму услугае.”;

б) 20 пунктын:

медводдза абзацын «сора төлысь 14 лунөдз» кывъяс вежны «моз төлысь 10 лунөдз» кывъясөн;

коймөд – нельөд абзацясын “сэк, кор индөм гражданаос абу пасйөма уджавны вермытөмлун йылысь листокын” кывъяс вежны “сэк, кор индөм граждана серти абу оформитөма вермытөмлун йылысь листок” кывъясөн;

содтыны татшөм сюрөса дас вит – дас квайт абзацяс:

“2020 вося сора төлысь 15 лунсянь 2020 вося сора төлысь 28 лунөдз;

2020 вося сора төлысь 29 лунсянь 2020 вося моз төлысь 10 лунөдз”;

7) Индөд дорө 1 №-а содтөдын:

2 позицияса “ОКВЭД” графаын “79” лыдпас киритны;

8) Индөд дорө 3 №-а содтөдын:

а) “V. Эпидемиялы паныд содтөд мероприятияея, кутшөмъяс колöны гожея верандаяслысь, гожея кафеяслысь уджсө котыртөм вылө” юкөдын:

1 пунктын “костөн дистанцируйтан принципө кутчысьөмөн” кывъяс вежны “костөн” кывйөн;

11 пунктын “оз уджав” кывъяс бöрын содтыны “, кытчөдз оз кут уджавны тасьтi-пань мыськан машина либө кытчөдз оз лосьöдны тасьтi-пань киөн мыськан да дезинфицируйтан технологияö кутчысьөм вылө условиеяссö”;

б) “Эпидемиялы паныд содтөд мероприятияея, кутшөмъяс колöны библиотекаяслысь уджсө котыртөм вылө” VII юкөд гижны таdzi:

“VII. Эпидемиялы паныд содтөд мероприятияея, кутшөмъяс колöны библиотекаяслысь уджсө котыртөм вылө

1. Библиотека восьытөдз жыръясын мысьласьны вирулициднöй действиеа дезинфицируйтан средствояса ва ветьökөн, кутшөмъясөн позьö вöдитчыны урчитөм пöрадокын.

Весавны вентиляция системасö да прöверитны, бура-ö сийö уджалö.

2. Чинтыны библиотекаса разнöй юкөнса уджалысьяслысь да уджалан группаяслысь контактъяссö, кодъяс абу йитчöмаöсь öтувъя могъясөн да производственнöй уджөн.

3. Уджалан кабинетъясын уджалысьяссö пуксьöдны 1,5 метраысь абу этшаджык костөн, позянлуныс кө абу – котыртны уджсö сменяясөн.

4. Оз позь сёйны уджалан местаяс вылын. Сёйны позьё уджалысьяслы столөвөйясын либө торья сетом жырьясын водзвыв лөсьөдом график серти 1,5 метра костө кутчысьөмөн.

5. Библиотекаө пыранінын, а сідзжө уджалан местаясын, сёян жырйын, лыддысян да компьютерной зальясын, мукөд местаын, көні вермасны чукөрмыны волысьяс, лөсьөдны кучик антисептикьясөн, кутшөмьясөс лөсьөдома тайө могьяс вылө, сы лыдын пуктом дозаторьяс отсөгөн, ки обработайтан местаяс.

6. Библиотекаын уджалысьяслы сетны отчыдысь вөдитчан маскаяссө да перчаткьяссө (уджалан сменалысь кузьтасө да маскаяссө да перчаткьяссө быд 3 час бөрын 1-ысь абу гежөдджыка вежөмсө төд вылө босьтөмөн), а сідзжө ки обработайтөм вылө кучик антисептикьясөс запасөн.

7. Видзөдны сы бөрся, кыдзи библиотекаын уджалысьяс волысьясөс могмөдигөн да небөгьясөн да журнальясөн уджалігөн вөдитчөны видзан маскаясөн да перчаткьясөн.

8. Лөсьөдны позянлун сетны небөгьяссө морткөд контактируйттөг, сы лыдын водзвыв заказ вөчан, лыддысьысьөн небөг онлайн босьтөмсө эскөдан сервис пыртөмөн.

9. Котыртны вөдитчөм бөрын небөгьяссө көрөбьясө (көрзинаясө) примитөмсө, видзны торйөн лөсьөдом полкаяс, пызаньяс вылын, позянлун дырйи торья жырйын. Вайөм небөгьяссө да журнальяссө виль пөв сетны 5 лун мысти.

10. Став изданиесө, кутшөмьяс вооны библиотекаө фондьяс комплектуйтөм могысь, сы лыдын упакуйтөмөн, видзны торья жырйын да сетны водзө уджалөм вылө налөн воөмянь 5 лун мысти (посылкаяс, бандерольяс видзөмсө арталөны найөс ыстан кадпассянь).

11. Компьютерной зальясын дезинфицируйтны компьютерной шырсө да клавиатурасө быд волысь бөрын. Вөдитчыны отчыдысь вөдитчан наушникьясөн.

12. Волысьяслы ручкаяс да карандашьяс сетны небөгьяс сетан стойка пыр, медым та бөрын сетны найөс дезинфицируйтөм вылө.

13. Кутны социальной дистанциясө 1,5 метраысь абу этшаджык сэк, кор эмөсь волысьяс да уджалысьяс, сы лыдын лөсялана пасьяс индөмөн. Позянлун дырйи здание пытшкын да жырьяс костын восьтыны кыдзи позьө унджык өдзөс.

14. Котыртны лыддысян да компьютерной зальясын волысьяслысь өтарлань ветлөдлөмсө.

15. Библиотека жырьясө волысьясөс лэдзны гигиенической маскөн.

16. Чукөртны библиотекаын уджалысьяслысь да сэтчө волысьяслысь вөдитчөм маскаяссö да перчаткияссö полиэтиленөвöй мешökъясö, мый бöрын шыбитны кызди ЧБШ.

17. Быд лун служебнöй жыръясын да öтүв вөдитчан местаясын мысласны вирулициднöй действиеа дезинфицируйтан средствояса ва ветьökөн.

18. Быд 2 час бöрын дезинфицируйтны став инсö, кытчö инмөдчылöны, обработайтöмөн: öдзöс вугъяс, пос кутчысянннъяс, перилöяс, пызан, улöс вывъяс, выключательяс, оргтехника да мукöд веркöс.

19. Төлöдны библиотека жыръяссö быд кык час бöрын 1-ысь оз гежöдджыка.

20. Библиотекаö волысьяслы да сэнi уджалысьяслы юөртны текстъяса да синмөн видзöдны позяна юөр йöзöдöмөн сы йылысь, мый библиотекаö волысьяслы колö кутчысьны коронавирус паськалöмысь видзчысян мераясö.

21. Библиотекаын волысьяслы оз позь сёйны-юны (ваысь кызди).

22. Библиотека жыръясын оз позь нуöдны уна йöза мероприятиеяс.”;

в) “IX. Эпидемиялы паныд содтöд мероприятиеяс, кутшöмъяс колöны ресторанияслысь, кафеяслысь, столövöйяслысь, буфетъяслысь, баръяслысь, закусочнöйяслысь да йöзöс öтүв вердан мукöд предприятиелысь уджсö котыртöм вылö” юкöдын:

1 пунктын “костөн дистанцируйтан принципö кутчысьöмөн” кывъяс вежны “костөн” кывйөн;

2 пунктын:

“да мукöд” кывъяс вежны “,” пасөн;

“мероприятиеяс” кыв бöрын содтыны “, а сiдзжö сетны прöст кад коллялöмсö котыртан (нуöдан) услугаяс (на лыдын йöктöмъяс, гажöдан шоуяс, дискотекаяс, караоке да прöст кад коллялан мукöд мероприятие)”;

12 пунктын “оз уджав” кывъяс бöрын содтыны “, кытчöдз оз кут уджавны тасьтi-пань мыськан машина либö оз лöсьöдны тасьтi-пань киөн мыськан да дезинфицируйтан технологияö кутчысьöм вылö условиеяссö”;

г) “X. Эпидемиялы паныд содтöд мероприятиеяс, кутшöмъяс колöны челядьöс шойчöдан да налысь дзоньвидзалун бурмөдан организацияслысь уджсö котыртöм вылö” юкöдын:

1 пунктын “водзö – дзоньвидзалун бурмөдан организация” кывъяс вежны “водзö – лагер” кывъясөн;

4, 16, 19 пунктъясын “дзоньвидзалун бурмөдан организация” кывъяс лöсялана вежлөгын вежны “лагер” кывйөн лöсялана вежлөгын;

д) содтыны татшöм сюрöса XII юкöд:

“ХII. Эпидемиялы паныд содтөд мероприятияяс, кутшөмьяс колөны спорт объектъяслысь, фитнес-шөриньяслысь (спорт клубъяслысь) уджсө котыртөм вылө

1. Смена водзын котыртны “пыран фильтр” бесконтактнөя температурасө быть мерайтөмөн. Оз позь лэдзны удж вылө острой респираторной инфекция петкөдчөмьяса (вылын температура, кызөм, насмука) персоналсө. Температурасө мерайтны луннас 2-ысь оз этшаджыкысь (асывнас да рытнас).

2. Персоналлы вөдитчыны торья видзан средствоясөн – маскаясөн (өтчыдысь вөдитчан либө унаысь вөдитчан вежан фильтрьясөн) быд 3 час бөрын вежөмөн либө фильтруйтось респираторөн инструкция серти вежөмөн, перчаткыясөн. Öтчыдысь вөдитчан маскаясөн, а сідзжө көтөдөм маскаясөн мөдысь вөдитчыны оз позь.

3. Котыртны өтчыдысь вөдитчан маскаяс өтилаө чукөртөмсө. Найөс шыбласьяс чукөртөм вылө контейнерьясө шыбиттөдз герметичнөя гартыштны 2 полиэтиленөвөй пакетө.

4. Могмөдны водзвыв гижөдчөм серти залын 4 кв. м вылө 1 мортысь абу унджыкөс арталөмөн (могмөдан персоналсө төд вылө босьтөмөн).

5. Могмөдны социальной дистанцияө кутчысьөмсө:

өтув вөдитчан местаясын (холльяс, регистрируйтан стойкаяс, пөрччысяніньяс) 1,5 метраысь абу этшаджык костөн (сигнальной пасьяс отсөгөн);

спорт оборудованиесө сувтөдны өта-мөд дорысь 1,5 метраысь абу этшаджык костөн.

6. Фитнес-шөриньясын (спорт клубьясын) оз позь нуөдны уна йөза мероприятияяс, командаөн (ворсөмөн) спорт сикас серти занятиеяс, вавывса спорт сикас серти занятиеяс.

7. Нуөдны жырьясын генеральной уборкаяс вирусной режим дырйи дезинфицируйтан средствоясөн вөдитчөмөн. Вөдитчыны дезинфекция вылө сэтшөм дезинфицируйтан средствоясөн, кутшөмьясөс пасйөма урчитөм пөрадокын, мыйө вөдитчөм серти инструкциясын индөма вирусной инфекцияс дырйи объектъяс вылысь заразаысь бырөдан режимьяс.

8. Мыськыны дезинфицируйтан средствояса ва ветьөкөн өтув вөдитчан местаясын став инсө, кытчө инмөдчылөны (өдзөс вугьяс, выключательяс, кутчысяніньяс, перилөяс, пызан вывьяс да с.в.), спорт инвентар, лежакьяс, лабичьяс – быд 2 час бөрын 1-ысь оз гежөдджыка, общественной асмогасяніньяс, пөрччысяніньяс – быд 2 час бөрын 1-ысь оз гежөдджыка, өтув вөдитчан жырьясын – быд 4 час бөрын 1-ысь оз гежөдджыка.

9. Пыригөн да өтүв вөдитчан местаясын лөсьөдны антисептической средствоясөн ки обработайтан местаяс, ки сөстөма видзөм вылө условиеяс.

10. Спортөн занимайтчөм вылө зальясын бырөдны сынөдысь заразасө инструкция серти лөсялана устройствоясөн вөдитчөмөн.

11. Могмөдны вентиляция система весалөм, дезинфицируйтөм да сылысь уджалан окталунсө донъялөм серти уджъяс нуөдөмсө, татшөм система дорө корөмъяссө төд вылө босьтөмөн.

12. Оз позь сөйны уджалан местаяс вылын. Сөйны позьө торйөн лөсьөдөм жыръясын либө жыр юкөнын, көнi сувтөдөма ки мыскан раковина да эм ки обработайтөм вылө кучик антисептик дозаторөн.

13. Душөн, саунаөн позьө вөдитчыны оланпастэчасөн урчитөм корөмъясө кутчысьөмөн, сы лыдын эпидемиялы паныд мероприятиеяслысь комплекс нуөдөмөн, кутшөмъясөс урчитөма тайө содтөдлөн II юкөдөн.”.